



Skáld í skólum

Bókmenntadagskrár fyrir börn og unglinga

2018



Skáld í skólum

Veiðilendur ævintýranna

Barnabókahöfundarnir **Arndís** og **Bergrún** leika sér að því alla daga að veiða alls konar hugmyndir. En hugmyndir eru ótrúlega lúmskar. Maður veiðir kannski tvær og stingur í krukku og daginn eftir eru þær allt í einu orðnar tuttugu! Hvernig í ósköpunum gerist það? Og hvað gerir maður við þær allar? Arndís og Bergrún ljóstra upp hvert höfundar fara í leit að innblæstri og hvernig hugmyndir verða að sögum. Þær rannsaka uppáhaldsbækur barna í leit að hugmyndinni sem kveikti söguna og kenna okkur að rata um veiðilendur ævintýranna.

Arndís Þórarinsdóttir, rithöfundur og þýðandi, hefur sent frá sér bækur fyrir börn og unglinga, m.a. *Játningar mjólkurfernuskálds* og í haust kemur út eftir hana ærslasagan *Nærbuxnaverksmiðjan*. **Bergrún Íris Sævarsdóttir**, mynd- og rithöfundur, hefur myndskreytt á fjórða tug barnabóka og skrifað sex bækur, nú síðast (*Lang*)*elstur í bekknum*, framhaldið (*Lang*)*elstur í Leynifélaginu* kemur út strax í haust.

Dagskrá hentar best **1. – 4. bekk.**



Skáld í skólum

Galdraverur, gömul goð og endurunnar ofurhetjur

Hvaðan koma álfar, dvergar, draugar og undarlegar forynjur? Hvaðan spretta óteljandi sagnir um yfirnáttúrulegar verur? eru ofurhetjur kvikmynda dagsins í dag endurunnar goðsagnir? Í þessari ævintýradagskrá kynna rithöfundarnir **Bryndís** og **Davíð** nemendur fyrir fjölbreytni þjóðsagnaarfsins, göldrum álfa, skelfilegum álögum og kynngimögnum kröftum. Við sögu koma furðuverur úr menningararfinum sem hafa veitt rithöfundum innblástur, t.d. Snorra Sturlusyni og höfundum bæði Hringadróttins sögu og Harry Potter.

Bryndís Björgvinsdóttir, rithöfundur og þjóðfræðingur, hefur sent frá sér barna- og unglingabækur og hlaut m.a. Íslensku bókmenntaverðlaunin fyrir bókina *Hafnfirðinga-brandarann*. Á þessu ári sendir Bryndís frá sér bók um álfatrú á Íslandi. **Davíð Stefánsson**, bókmenntafræðingur og rithöfundur, hefur sent frá sér skáldverk og kennslubækur um íslensku, bókmenntir og skapandi skrif. Davíð vinnur um þessar mundir að skáldsögu um Guðrúnu frá Bægisá og Djáknann á Myrká.

Dagskrá hentar best **5. – 7. bekk.**

Skáld í skólum

Heimssköpun

Eða hvernig skal stela hugmyndum og komast upp með það!

Hvað er furðusaga? Hvernig getur eitt agnarsmátt hugmyndafræ blómstrað og orðið að heilum sagnaskógi? Og hvernig uppgötvar maður nýja veröld? Heimsmyndir okkar eru stöðugt í þróun, stundum byggir skáldskapur á gömlum hugmyndum og fornum samfélögum en stundum er öllu gömlu kastað fyrir róða og skáldskapurinn nýttur til að kanna óendanlega möguleika framtíðarinnar. Rithöfundarnir **Kjartan Yngvi** og **Snæbjörn** varpa ljósi á

hvernig höfundar endurnýta hugmyndir og stef úr mannkynssögunni, bókmenntum, þjóðsögum og goðsögum og setja í nýjan búning þegar þeir skapa sína eigin heima.

Höfundateymið **Kjartan Yngvi Björnsson**, furðusagna höfundur og bókmenntafræðingur, og **Snæbjörn Brynjarsson**, leiklistarmaður, blaðamaður og furðusagna höfundur, hafa á undanförunum árum sent frá sér fjórar skáldsögur í bókaröðinni *Prigga heima saga*, sú nýjasta, *Draugsól*, kom út í maí.

Dagskrá hentar best **8. – 10. bekk.**



Kveikja

Hvað ef Búkolla getur flogið?

Hvað ef Búkolla getur allt í einu flogið? Já, hvað þá? Þegar rithöfundarnir **Eygló** og **Eyrún** eru að reyna að átta sig á hvað geti mögulega gerst næst í sögu spyrja þær einfaldlega Hvað ef? Hvað ef skessurnar eru líka ninjur? Hvað ef strákurinn er með ofurkrafta? Hvað ef sögupersónan er kannski fljúgandi ninja með alls konar leynda ofurkrafta? Eygló og Eyrún bregða saman á leik og nota til þess sögur sem allir kannast við. Nemendur fá að búa til eigin sögu út frá stóru spurningunni og átta sig á að maður getur þurft að spyrja margoft áður en maður ratar réttu leiðina.

Eygló Jónsdóttir, rithöfundur og ljóðskáld, er menntuð í ritlist og hefur sent frá sér ljóð, sögur og fjölda greina. Síðustu jól sendi hún frá sér barnabókina *Ljótí jólasveinninn*. **Eyrún Ósk Jónsdóttir**, rithöfundur og ljóðskáld, hefur sent frá sér leikrit, kvikmyndahandrit, ljóðabækur og barnabækur, nú síðast *Ferðin til Mars* og *Skrímslin í Hraunlandi* árið 2017.

Dagskrá hentar best **1. – 4. bekk.**

Kveikjur

Verð og tímalengd

Tímalengd: ein kennslustund / 40 mínútur.

Tækjakostur: Skjávarpi og tölva o.fl. eftir samkomulagi við höfunda.

Verð: kr. 35.000.

Hámarksfjöldi 45 nemendur.



Allar pantanir berist á tinna@rsi.is.
Nánari upplýsingar eru veittar í síma 568 3190.


Kveikja

Ef ég mætti ráða ...

Ef ég væri borgarstjóri ... Ef ég væri forseti ... Ef ég væri skólustjóri ... ! Hvað gerðist þá? Að segja sögu er leið til að breyta heiminum. Ef ég er allt í einu orðin borgarstjóri þá get ég bætt svo margt í kringum mig. Rit- og myndhöfundarnir **Linda** og **Lóa** segja frá hvernig heimurinn leit út þegar þær voru forsetar, skólustjórar og borgarstjórar og hvernig það fór allt saman! Þær hjálpa nemendum að búa til sína eigin myndasögubók og sýna hvernig maður nýtir hversdagslega atburði, alls konar minningar og umhverfi til að skapa sína eigin stórkostlegu sögu.

Linda Ólafsdóttir, teiknari og barnabókahöfundur, hefur myndskreytt fjölda bóka, m.a. *Íslandsbók barnanna*, *Móa hrekkjusvín*, *Dúkkur* og sitt eigin höfundaverk, *PLAY?*. **Lóa Hlín Hjálmtýsdóttir**, teiknari og myndasögu-höfundur, er menntuð í ritlist og hefur myndskreytt fjölda kennslu- og barnabóka, sent frá sér eigin bækur og leikverk og teiknað myndasögur fyrir blöð og bækur.

Dagskrá hentar best **5. – 7. bekk.**



Skáld í skólum

Verð og tímalengd

Tímalengd: ein kennslustund / 40 mínútur.

Tækjakostur: Hljóðkerfi með 2 hljóðnemunum og tölva með skjávarpa sem skólar verða að hafa til reiðu.

Verð: kr. 35.000.

Hámarksfjöldi áhorfenda er 100 nemendur á yngsta stigi en 150 nemendur á mið- og unglingastigi.





Árlega býður Höfundamiðstöð RSÍ grunnskólum um land allt upp á bókmenntadagskrána **Skáld í skólum** þar sem höfundar heimsækja skólana til að fjalla um bókmenntir af ýmsu tagi. **Skáld í skólum** hefur löngu sannað sig sem ómissandi þáttur í kynningu nútímabókmennta í grunnskólum landsins en vel yfir 60 mismunandi dagskrár hafa orðið til innan vébanda verkefnisins frá því það hóf fyrst göngu sína 2006. Í ár bjóðum við upp á hinar vinsælu hefðbundnu dagskrár fyrir öll grunnskólastig en erum líka með nýjung, kveikjur fyrir mið- og unglíngastig. Hefðbundnu dagskrárnar henta fyrir litla sem stóra hópa í kennslustofu eða á sal en kveikjurnar eru fyrir smærri hópa. Allar dagskrárnar sem boðið er upp á í **Skáld í skólum** eru metnaðarfullar og spennandi, höfundar koma í heimsókn til að tala um bækur og lestur, sköpun og skrif, ævintýri sögupersóna jafnt sem skapara þeirra og síðast en ekki síst til að smita nemendur af ólæknandi lestrar- og sköpunargleði.

Höfundamiðstöð og Skáld í skólum
njóta stuðnings
Menntamálaráðuneytisins og Reykjavíkurborgar.

Skáld í skólum

Kveikjur

Tímabil á haustönn:

15. október – 16. nóvember 2018.

Að auki er hægt að panta dagskrár á öðrum tímum að höfðu samkomulagi við hvern og einn rithöfund.

Frestur til að panta dagskrár er til

28. september 2018.

Mikilvægt er að skólar á landsbyggðinni hafi samráð sín á milli um pantanir til að hægt sé að nýta ferðir sem best.

Allar pantanir berist á

tinna@rsi.is

Upplýsingar í **síma 568 3190**

og á heimasíðu Höfundamiðstöðvar:

www.rsi.is/hofundamidstod



Sérsniðnar dagskrár

Höfundar að eigin vali

Vert er að minna á að margir höfundar bjóða upp á skemmtilegar dagskrár þar sem þeir fjalla um verk sín og bókmenntir í stærra samhengi. Skólar, stofnanir, fyrirtæki og félagasamtök geta leitað til Höfundamiðstöðvar sem veitir upplýsingar og hefur milligöngu um að bóka slíkar dagskrár og veitir líka ráðgjöf varðandi námskeið og aðra viðburði sem rithöfundar koma að.

Upplýsingar í síma: **568 3190**

www.rsi.is/hofundamidstod

tinna@rsi.is